

- 4 *Proprium est, quod certas res, personasque significat, ut, Isùs, Iesus: Rîm, Roma.*
- 5 *Appellatiuum est quod res incertas, & communes significat, ut, Krágl, Rex: Grád, Vrbs; Città.*
- 6 *Collectiuum est quod numero etiam singulari significat multitudinem, ut, Púk, populus: Mnoxtvó, turba: Cegliád, familia.*
- 7 *Anomalum porro, siue inaequale (quod hoc loco consultò addo, cum de eo sæpè futura sit mentio) nomen est, quod aut numero, aut genere, aut declinatione, aut casu, aut aliquo alio attributo caret, uel diuersum est, ut, in ipsis declinationibus apparebit.*

De attributis partium Orationis.

8 *Quoniam attributa partium Orationis aliqua ex parte Nomini etiam Substantiuo conueniunt, hoc loco videntur proponenda.*

Primum attributum est, Numerus, qui Nominum, Pronominum, Verborum, & Participiorum duplex est: Singularis, ut, Díva, uirgo: Yá, ego: Gliúbim, amo. Pluralis, ut, Dívx, virgines: Mij, nos: Gliúbimo, amamus.

Secundum est, Casus, qui Nominum, Participiorum, & nonnullorum Pronominum sunt sex apud Latinos: apud nos uerò in singulari ferè semper sunt septem: in Plurali